

曹祠部集

曹邴

文碩閣

wenshuoge.com

目录

关于我们	3
提要	5
曹祠部集序	6
曹祠部集卷一	7
曹祠部集卷二	15
曹祠部集附錄	21

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨按曹祠部集二卷唐曹邴撰邴字邴之阳朔人明蒋冕序称大中间登进士第由天平节度掌书记累迁太常博士祠部郎中仕至洋州刺史然郑谷云台编有送曹邴吏部归桂林诗则又尝官吏部冕考之未尽也唐书高元裕转载邴为太常博士时议宰相高璩赠謚事其论甚伟顾其诗乃作怨老嗟卑之语王定保摭言载邴登第之时年已垂暮当时有五老榜之目盖坎防不遇晚乃成名故一生寄托不出此意不但韦慤所称四怨三愁五情诸篇及乎登第以后杏园席上同年诗则曰忽忽出九衢僮仆颜色异献恩门诗则曰名字如鸟飞数日便到越寄阳朔友人诗则曰桂林须产千株桂未解当天影日开我到月中收得种为君移向故园栽又何其浅也张为作主客图邴与其数则当时亦为文士所推其读李斯传及始皇陵下作二首诸家选本或取之然皆无深致唐志载邴集三卷今仅二卷其有佳篇而逸之耶流传已久姑存以备一家未附曹唐诗一卷唐字尧賓桂林人初为道士太和中返初服举进士累辟诸府从事其游仙诗最著名盖本颜延之为织女赠牵牛诗而曼衍及诸女仙各拟赠荅然诸篇姓名虽易语意畧同实非杰出之作唐志载其集亦三卷蒋冕求其原本不获乃搜诸选本裒成一卷附之曹邴诗后以二人皆粤产耳乾隆四十六年十月恭校上

总纂官【臣】纪昀【臣】陆锡熊【臣】孙士毅

总校官臣陆费墀

曹祠部集序

桂林在唐有二曹诗人皆负重名于时其一讳邺字邺之阳朔县人尝作四怨三愁五情诗为中书舍人韦慤所知力荐于主司大中间登进士第由天平节度掌书记迁太常博士晋祠部郎中仕终洋州刺史其一讳唐字尧宾桂林附郭人尝为道士太和中举进士中第累为诸府从事以暴疾卒于家二公诗欧阳文忠公撰唐艺文志谓其集各三卷近年浙中刻唐四十家诗有邺之诗止二卷而尧宾诗集则无传焉惟文苑英华选其大小游仙及马病等作唐诗鼓吹选其买剑双松等作唐音选其小游仙等作唐诗品彙选其武陵词等作皆七言律及七言绝句凡古体五七言者皆无之郝天挺注鼓吹谓尧宾有集二卷今无传则其集在金元之间已无传于世矣鼓吹顾以尧宾大游仙诗十一首为宋邕所作则遗山之误也尧宾诗见于诸家所选者皆杰出一时可歌可诵邺之视尧宾差后出而其诗格调高古意深语健诸体略备其集虽止二卷才百余篇而为诸家所选殆三之一尤世之不可少者其为太常博士在懿宗朝有诏召剑南东川节度使高璩拜中书侍郎同中书门下平章事阅月卒赠司空邺之建言璩宰相交游丑杂进取多蹊迳諡法不思妄爱曰刺请諡曰刺从之事载新唐书璩父元裕列传中其为博士持正守职防防乎不苟若此盖非独能诗也冕自髫髻时见邺之公读李斯传诗于书坊所刻古文真寶中有难将一人手掩得天下目之句喜而诵之甚习而不知为谁所作及游京师读唐文粹始知为公诗今考之集中其诗全篇十二句姚铉节其首尾八句而以此四句载于文粹中古文真寶因而取之文粹又载公杏园即席上同年一时冕尝次韵以寓景慕之意盖冕于公诗寐寤不忘者五十余年嘉靖甲申秋得谢过浙中始获覩其全集其冬琼山唐君平侯以按察僉事督学来广西见公浙本诗于武选主事郑德甫处读而善之取以刻置宣成书院中且以尧宾诗附于其后刻成德甫首以一册见遗阅之欣然者累日因敬题其卷末使读者知二公之诗皆为世所重而公则公忠刚直能言人之所不敢言表然为时之正人君子尤足以楷范后学诗盖其余事云嘉靖戊子冬十月既望后学湘皋病叟蒋冕谨识

曹祠部集卷一

唐 曹邴 撰

徒相逢

江边野花不须采梁头野燕不用亲西施本是越溪女承恩不荐越溪人

杂诫

带香入鲍肆香气同鲍鱼未入犹可悟已入当何如

补渔谣

天子好征战百姓不种桑天子好年少无人荐冯唐天子好美女夫妇不成双

四怨三愁五情诗十二首【并序】

郁于内者怨也阻于外者愁也犯于性者情也三者有一贼于前必为颠为沴为蚤死人邴专仁谊从矣有举不得用心恐中斯物殒天命幸未死间作四怨三愁五情以望时人救

其一怨

美人如新花许嫁还独守岂无青铜镜终日自疑丑

其二怨

庭花已结子岩花犹弄色谁令生处远用尽春风力

其三怨

短鬟一如螭长眉一如蛾相共棹莲舟得花不如他

其四怨

手推呕哑车朝朝暮暮耕未曾分得穀空得老农名

其一愁

远夢如水急白髮如草新归期待春至春至还送人

其二愁

涧草短短青山月朗朗明此夜目不掩屋头鸟啼声

其三愁

别家鬢未生到城鬢似髮朝朝临川望防水不入越

其一情

东西是长江南北是官道牛羊不恋山只恋山中草

其二情

阿娇生汉宫西施住南国专房莫相妬各自有顏色

其三情

蛺蝶空中飞夭桃庭中春见他夫妇好有女初嫁人

其四情

防榔自无柯榔叶自无陰常羨庭邊竹生笋高于林

其五情

野雀空城饥交交复飞飞勿怪官仓粟官仓无空时

寄刘驾

一川草色青裏裏绕屋水声如在家怅望美人不携手墙东又发数枝花

风人体

出门行一步形影便相失何况大隄上驄马如箭疾夜夜如织妇寻思待成疋郎只不在家在家亦如出将金与卜人喬道远行吉念郎緣底事不具天与日

杏园席上同年

岐路不在天十年行不至一旦公道开青云在平地枕上数声鼓衡门已如市白日探得珠不待骊龙睡忽忽出九衢僮仆颜色异故衣未及换尚有去年泪晴阳照花影落絮浮野翠对酒时忽惊犹疑梦中事自怜孤飞鸟时接鸾凤翅永懷共济心莫起胡越意

恃宠

二月树色好昭仪正娇奢恐君爱阳艷斫却园中花三十六宫女髻鬟各如鸦君王心所怜独自不见瑕台上红灯尽未肯下金车一笑不得所尘中悉无家飞燕身更轻何必恃荣华

题女郎庙

数防烟香出庙门女娥飞去影中存年年岭上春无主露泣花愁断客魂

四望楼【楼在洛阳东今废也秦时有贵公子贾虚每自宴其上】

背山见楼影应合与山齐座上日已出城中未鸣鸡无限燕赵女吹笙上金梯风起洛阳东香过洛阳西公子长夜醉不闻子规啼

筑城三首

郎有靡芜心妾有芙蓉质不辞嫁与郎筑城无休日呜呜啄人鸦轧轧上城车力尽土不尽得归亦无家筑人非筑城围秦岂围我不知城上土化作宫中火

奉命齐州推事毕寄本府尚书

越鸟栖不定孤飞入齐乡日暮天欲雨那兼羽翎伤州民言刺史蠹物甚于蝗受命大执法草草是行装仆 皆分散单车驿路长四顾无相识奔驰若投荒重门下长鎖树影空过墙驱囚绕廊屋 如牛羊狱吏相对语簿书堆满牀敲枷打鎖声终日在目旁既舍三山侣来余五斗粮忍学空城雀潜身入官仓国中天子令头上白日光曲木用处多不如直爲梁恐孤食恩地昼夜心不遑仲夏天气热鬓须忽成霜社防不可灌城狐不易防偶于擒纵间尽得见否臧截断奸吏舌擘开冤人肠明朝向西望走马归汶阳

北郭闲思

山前山后是青草尽日出门还掩门每思骨肉在天畔来看野翁怜子孙

战城南

千金画阵图自为弓劒苦杀尽田野人将军犹爱武性命换他恩功成谁作主鳳凰楼上人夜夜长歌舞

自退

寒女面如花空寂常对影况我不嫁容甘为瓶堕井

早起

月堕沧浪西门开树无影此时归夢防立在梧桐井

古相送

行人卜去期白髮根已出执君青松枝空数别来日心如七夕女生死难再匹且愿车声迟莫使马行疾巫山千丈高亦恐夢相失

甲第

游人未入门花影出门前将军来此住十里无荒田

望不来

见花忆郎面常愿花色新爲郎容貌好难有相似人

官仓防

官仓老防大如斗见人开仓亦不走健儿无粮百姓饥谁遣朝朝入君口

题濮庙

晓祭瑶斋夜扣钟鼇头风起浪重重人间直有僊桃种海上应无肉马踪赤水夢沉迷象罔翠华恩防泣芙蓉不知皇帝三宫驻始向人间着袞龙

偶题

白玉先生多在市青牛道士不居山但能共得丹田语正是忙时身亦闲

登岳阳楼有懷寄座主相公

南登岳阳楼北眺长安道不见升平里千山树如草骨肉在南楚沉忧起常早白社愁成空秋
芜待谁扫常闻诗人语西子不宜老赖识丹元君时来语蓬岛

出关

山上黄犊走避人山下女郎歌满野我独南征恨此身更有无成出关者

将寄天平职书懷寄翰林从兄

居处絕人事门前雀罗施谁遣辟书至仆 皆展眉疋马渡河洛西风飘路岐手执王粲笔闲
吟向旌旗香晚翠莲动吟余红烛移开口啖酒肉将何报相知况我魏公子相顾不相疑岂学
官仓防饱食无所为白露霑碧草芙蓉落清池自小不到处全家忽如归吾宗处亲切立在白
玉墀方得一侍座单车又星飞愿将门底水永托万顷陂

贺雪寄本府尚书

雨雪不顺时陰阳失明晦麦根半成土农夫泣相对我公诚诉天天地忽已泰长飈卷白雪散
落羣峯外拂砌花影明交宫鹤翎碎宿客晨不飞犹疑月光在碧树香尽发蠹虫声渐退有客
懷兔园吟诗绕城内

寄嵩阳道人

三山浮海倚蓬瀛路入真元险尽平华表千年孤鹤语人间一命晚蝉鸣将龙逐虎神初王积
火焚心气渐清见说嵩阳有僊客欲持金简问长生

去不返

寒女不自知嫁为公子妻亲情未识面明日便东西但得上马了一去头不回双轮如鸟飞影
尽东南街九重十二门一门四扇开君从此路去妾向此路啼但得见君面不辞插荆钗

李进士下第归南海

数片红霞映夕阳揽君衣袂更移觴行人莫叹碧云晚上国每年春草芳雪过蓝关寒气薄鴈
回湘浦怨声长应无惆怅沧波远十二玉楼非我乡

送厉图南下第归澧州

当春人尽归独我归无计送君自多感不是緣下第君看山上草尽有干云势结根既不然何
必更掩袂澧水鲈鱼贱荆门杨柳细勿为阳艷留此处有月桂言毕尊未干十二门欲闭伫立

望不见登高更流涕吟君别我诗怅望水烟际

思不见

但见出门踪不见入门迹却笑山头女无端化为石

长相思

剪妾身上巾赠郎伤妾神郎车不暂停妾貌宁长春青天无停雪沧海无停津遣妾空牀夢夜夜随车轮

长城下

远水犹归壑征人合忆乡泣多盈袖血吟苦满头霜楚国连天浪衡门到海荒何当生燕羽时得近雕梁

成名后献恩门

为物稍有香心遭蠹虫啮平人登太行万万车轮折一辞桂岭猿九泣东门月年年孟春时看花不如雪僻居城南隅顏子须泣血沉埋若九泉谁肯开口說辛勤学机杼坐对秋灯灭织锦花不常见之尽云拙自怜孤生竹出土便有节每听浮竞言喉中似无舌忽然风雷至惊起池中物防上青云巔轻如一毫髮珑珑金鎖甲稍稍城乌絕名字如鸟飞数日便到越幽兰生虽晚幽香亦难歇何以保此身终身事无缺

赠道师

学世皆问人唯师独求己一马无四蹄顷刻行千里应笑百原上丘坟乱如蚁

入关

衡门亦无路何况入西秦救病不得穴徒为采艾人

听刘尊师弹琴

曾于青海独闻蝉又向空庭夜听泉不似斋堂人静处秋声长在七条

题山居

扫叶煎茶摘叶书心闲无夢夜牕虚只因光武恩波晚岂是严君恋钓鱼

关试前送进士姚潜下第归南阳

马嘶残日没残霞二月东风便到家莫羨长安占春者明年始见故园花

浚川寄进士刘驾

我家不背水君身不向越自是相忆苦忽如经年别山家草木寒石上有残雪美人望不见迢迢云中月

翠孤至渚宫寄座主相公

万里一孤舟春行夏方到骨肉尽单羸沉忧满怀抱羈孤相对泣性命不相保开户山防惊蛰声乱秋草白菌緣屋生黄蒿拥篱倒对此起长嗟芳年亦须老恩门为宰相出入用天道忽于摧落间收得青松操全家到江陵屋虚风浩浩中肠自相伐日夕如防盗其下有孤侄其上有孀嫂黄粮贱于土一饭常不饱天斜日光薄地湿虫叫噪唯恐道忽消形容益枯槁古人于黄雀岂望白环报奉荅恩地恩何慙以诚告

早秋宿田舍

涧草踈踈萤火光山月朗朗枫树长南村犊子夜声急应是栏边新有霜

旅次岳阳寄京中亲故

君山南面浪连天一客愁心两处悬身逐片防归楚泽魂随流水向秦川月回浦北千寻雪树出湖东防防烟更欲登楼向西望北风催上洞庭船

题舒乡

功名若及鸱夷子必拟将舟泛洞庭柳色湖光好相待我心非醉亦非醒

碧浔宴上有怀知己

荻花芦叶满溪流一簇笙歌在水楼金管曲长人尽醉玉簪恩重独生愁女萝力弱难逢地桐树心孤易感秋莫怪当欢却惆怅全家欲上五湖舟

从天平节度使游平流园

池塘静于寺俗事不到眼下马如在山令人忽踈散明公有高思到此遂忘返乘兴挈一壶折荷以为盞入竹藤似蛇侵墙水成藓幽鸟不识人时来拂冠冕防流路若穷及行路犹远洞中

已云夕洞口天未晚自怜不羈者寫物性常簡翻愁此兴多引得嵇康

故人寄茶

劒外九华英緘题下玉京开时微月上碾处乱泉声半夜招僧至孤吟对月烹碧沉霞脚碎香
泛乳花轻六腑睡神去数朝诗思清用余不敢费留伴肘书行

贵宅

入门又到门到门防相对玉箫声尚远疑似人不在公子厌花繁买药栽庭内望远不上楼
中见天外此地日烹羊无异我食菜自是愁人眼见之若奢泰

下第寄知己

长安孟春至枯树花亦发忧人此时心冷若松上雪自知才不堪岂敢频泣血所痛无罪者明
时屡遭刖故山秋草多一卷成古辙夜来远心起夢见潇湘月大贤冠蓋高何事怜屑屑不令
伤弓鸟日暮飞向越闻此感激语胷中如有物举头望青天白日头上没归来通济里开户山
防出中庭广寂寥但见薇与蕨无虑数尺躯委作泉下骨唯愁揽清镜不见昨日髮愿怜闺中
女晚嫁唯守节勿惜四座言女巧难自说

吳宮宴

吳宮城闕高龍鳳遙相倚四面鏗鼓钟中央列羅綺春风时一来兰麝闻数里三度明月落青
娥醉不起江头鐵劍鳴玉座成荒垒适来歌舞处未知身是鬼

曹祠部集卷二

唐 曹邴 撰

东武吟

心如山上虎身若仓中防惆怅倚市门无人与之语夜晏李将军欲望心相许何防听我言贪谗邯郸女独上黄金台凄凉泪如雨

蓟北门行

长河冻如石征人夜中戍但恐筋力尽敢惮将军遇古来死未歇白骨碍官路岂无一有功可以高其基亲戚牵衣泣悲号自相顾死者虽无言那堪生者悟不如无手足得见齿髮暮乃知七尺躯却是速死具

姑苏台

南宫酒未销又宴姑苏台美人和泪去半夜阖门开相对正歌舞笑中闻鼓 星散九重门血流十二街一去成万古台尽人不回时闻野田中拾得黄金钗

夜坐有怀

悄悄月出树东南若微霜愁人不成寐五月夜亦长佳期杳天末骨肉不在旁年华且有限厥体难从康人言力耕者岁旱亦有粮吾道固如此安得苦依傍

寄监察从兄

我祖居邳地邳人识文星此地星已落兼无古时城古风既无根千载难重生空留建安书传说七子名贱子生桂州桂州山水清自觉心貌古兼合古人情因为二雅诗出语有性灵持来向长安时得长者惊芝草不为瑞还共木叶零恨如辙中土终岁填不平吾宗载豸冠忽然入西京怜其羽翼单抚若亲弟兄松根已坚牢松叶岂不荣言罢眼无泪心中如酒醒

乐府体

莲子房房嫩菖蒲叶叶齐共结池中根不厌池中泥

弃妇

嫁来未曾出此去长别离父母亦有家羞言何以归此日年且少事姑常有仪见多自成丑不

待顏色衰何人不识宠所嗟无自非将欲告此意四邻已相疑

读李斯传

一车致三穀本图行地速不知驾馭难举足成颠覆欺暗尚不然欺明当自戮难将一人手掩得天下目不见三尺坟云阳草空綠

文宗陵

千年尧舜心心成身已歿始随苍梧云不反苍龙阙宫女衣不香黄金赐白髮留此奉天下所以无征伐至今汨罗水不葬大夫骨

偶怀

开目不见路常若夜中行最贱不自勉中涂与谁争蓬为沙所危还向沙上生一年秋不熟安得便废耕顏子命未達亦遇时人轻

代罗敷诮使君

常言爱嵩山别妾向东京朝来见人说却知在石城未必菖蒲花只向石城生自是使君眼见物皆有情麋鹿同上山莲藕同在泥莫学大上日朝东暮还西

怨歌行

丈夫好弓劍行坐说金吾喜闻有行役结束不待车官田赠倡妇留妾侍舅姑舅姑皆已死庭花半是芜中妹寻适人生女亦嫁夫何曾寄消息他处却有书严风厉中野女子心易孤贫贱又相负封侯意何如

南征怨

万浪东不回昭王南征早龙舟没何处独树江上老吾欲问水濱宫殿已生草

和潘安仁金谷集

太守龙为马将军金作车香飘十里风风下綠珠歌莫怪坐上客叹君庭前花明朝此池馆不是石崇家

不可见

常闻贫贱夫头白终相待自从嫁黔娄终岁常不在君梦有双影妾梦空四邻常思劲北风吹折双车轮

秦后作

大道不居谦八荒安苟得木中不生火高殿祸顷刻谁将白帝子践我礼义域空持防山志欲夺天地德轶道人不回壮士断消息父母骨成薪虫蛇自相食鼎乱阴阳疑战尽鬼神力东郊龙见血九土黄色鼙鼓裂二景妖星动中国圆丘无日月旷野失南北徒流杀人血神器终不忒一马渡空江始知贤者贼

薄命妾

薄命常恻恻出门见南北刘郎马蹄疾何处去不得泪珠不可收虫丝不可织知君绿桑下更有新相识

放歌行

莫唱放歌行此歌临楚水人皆恶此声唱者终不已三闾有何罪不向枕上死

江西送人

八月江上楼西风令人愁携酒楼上别尽见四山秋但愁今日知莫作他时疑郎本不住此无人泣望归何水不生波何木不改柯遥知明日恨不如今日多将心速投入路远人如何

始皇陵下作

千金买鱼灯泉下照狐兔行人上陵过却吊扶苏墓累累圻中物多于养生具若使山可移应将秦国去舜歿虽在前今犹未封树

洛原西望

筑城畏不坚城坚心自毁秦树满平原秦人不居此犹为泣路者无力报天子

赵城怀古

邯郸旧公子骑马又鸣珂手挥白玉鞭不避五侯车闲愁春日短沽酒入倡家一笑千万金醉中赠秦娥如今高原上树树白杨花

代班姬

宠极多妬容乘车上金阶欵然赵飞燕不语到日西手把菖蒲花君王唤不来常嫌鬓蝉重乞人白玉钗君心无定波咫尺流不回后宫门不掩每夜黄鸟啼买得千金赋花颜已如灰

庭草

庭草根自浅造化无遗功低回一寸心不敢怨春风

过白起墓

毗陵火焰灭长平生气低将军临老病赐劔咸阳西

对酒

爱酒知是僻难与性相舍未必独醒人便是不饮者晚歳无此物何由住田野

续幽愤【嵇康吕安连罪赋此诗邺纪李御史甘死封之事】

繁霜作陰起朱火乘夕发清昼冷无光兰膏坐销歇惟公执天宪身是台中杰一逐楚大夫何人为君雪忽忽鬼方路不许辞双阙过门似他乡举趾如遗辙八月黄草生洪涛入云热危魂没太行客吊空骨节千年瘴江水恨声流不絶

古词

高阙碍飞鸟人言是君家经年不归去爱妾面上花妾面虽有花妾心非女萝郎妻自不重于妾欲如何和谢豫章从宋公戏马台送孔令谢病

碧树香云暮朔风自西来佳人忆山水置酒在高台不必问流水坐来日已西劝君速归去正及鸛鹄啼

送进士李殷下第游汾河

上国花照地遣君向西征旁人亦有恨况复故人情单车欲云去别酒忽然醒如何今夜夢半作道路程边士不好礼全家住军城城中鼓角严旅客常夜惊中有左记室逢人眼光明西门未归者下马如到京还应一开卷为子心不平慇懃说忠抱壮志勿自轻

相思极

妾顔与日空君心与日新三年得一书犹在湘之濱料君相轻意知妾无至亲况当受明礼不令再嫁人愿君从此日化质爲妾身

代谢 晖新亭送范零陵

楚水洪无际沧茫接天涯相看不能语独鸟下江蓠蓬子悉有恋蓬根却无期车轮自不住何必怨路岐孟冬衣食薄夢寐亦未遗

山中效陶

落第非有罪兹山聊归止山猿隔云住共饮山中水读书时有兴坐石忘却起西山忽然暮往往遗巾履经时一出门兼俟僮仆喜常被山翁笑求名岂如此齿髮老未衰何如且求已

城南野居寄知己

奔走未到我在城如在村出门既无意岂如常闭门作诗二十载阙下名不闻无人爲开口君子独有言身为苦寒士一笑亦感防慙慙中涂上勿使车无轮

古莫买妾行

千扇不当路未似开一门若遣緑珠丑石家应尚存

霁后作【齐梁体】

新霁辨草木晚塘明衣衿乳燕不归宿双双飞向林微照露花影轻云浮麦陰无人可招隐尽日登山吟

田家效陶

黑黍春来酿酒饮青禾刈了驱牛载大姑小叔常在眼却笑长安在天外

寄贾驰先輩

游子想万里何必登高台闻君燕女吟如自蓟北来长安高蓋多健马东西街尽说蒿簪古将钱买金钗我祖西园事言之独伤怀如今数君子如鸟无树栖济水一入河便与清流乖闻君欲自持勿使吾道低

送友人入塞

乱蓬无根日送子入青塞沧茫万里秋如见原野大鸟雀寒不下山川迴相对一马没黄云登高望犹在惊风忽然起白日黯已晦如何怨路远出门天子外

寄阳朔友人【初第时】

桂林须产千株桂未解当天影日开我到月中收得种为君移向故园栽

题广福岩

未有天地先融结方广高深无丈尺书言不尽画难成留与人间作奇特

七哀诗

北邙何累累高陵有四五借问谁家坟皆为汉世主恭文遥相望原陵郁葱葱季世防乱起盗
贼如豺虎毁壤过一坏便房启幽户珠神离玉体珍宝见剽虏园寝化为墟周墉无遗堵防笼
荒荆棘蹊迳登童竖狐兔窟其中荒秽不复埽頽垆并悬发萌 营农圃昔为万乘君今为一
丘土感彼雍门言凄怆哀往古

送曾德迈归寧宜春

湘东山水有清辉袁水词人得意归防府争驰毛义檄一乡看待老莱衣筵开防岸临清浅路
去蓝关入翠微想到宜阳更无事并将欢庆奉庭闱

送郑谷归宜春

无成归故国上马亦高歌况是飞鸣后殊爲喜庆多星鎖嵩岳雨凉吹洞庭波莫便闲吟去须
期接盛科

附郑谷送曹邨吏部归桂林

高明向已求古韵古无俦风月抛兰省江山复桂州贤人知止足晚歳便归休云鹤深相待公
卿不少留满朝张祖席半路上僊舟篋重藏呉画茶新换越瓯郡迎红烛宴寺宿翠岚楼触目
成幽兴全家是胜防蓬声渔叟雨苇色鹭鸶秋从别郊园改将归巷里脩桑麻胜禄食节序免
乡愁阳朔花盈棹崇贤叶满沟席春欢促膝檐日暖梳头道畅应为蝶时来必问牛终须康庶
品未爽漱寒流议在归羣望情能恋自由小生诚浅拙早歳便依投夏课每望獎雪天常见忧
远招陪宿直首荐向公侯攀送偏挥洒龙钟意未酬

曹祠部集附錄

附曹唐诗

曹唐【字尧賓桂州人爲道士太和中进士及第有诗名诗有集近访求未获因搜唐音及雅音防编

等书得若干首遂散附曹邺诗卷之末】

赠南岳冯处士

白石溪邊自结庐风泉满院称幽居鸟啼深树斷灵药花落闲牕看道书烟岚晚过鹿裘湿水月夜明山舍虚支頤冷笑緣名出终日王门强曳裾

暮春戏赠吳端公

年少英雄好丈夫大家望拜执金吾闲眠晓日听鶗鴂笑倚春风杖轡轡深院吹笙闻汉婢静街调马任奚奴牡丹花下帘钩外独凭红肌捋虎须

长安客舍懷萧使君邵陵旧宴

粉雉丹轩画障西水云红树翠璇题鷓鴣欲絕歌声定鸂鶒初惊舞袖齐坐对玉山难甸线细听金石怕低迷东风夜月三年饮不省归时不似泥

南遊

尽兴南遊卒未回水工舟子不须催政思碧树关心句难放红螺蘸甲杯涨海潮生陰火灭苍梧风暖瘴云开芦花寂寂月如练何处笛声江上来

送康祭酒赴轮台

防水桥邊酒一杯送君千里赴轮台霜黏海眼旗声冻风射犀文甲缝开断磧簇烟山似米野营轩地鼓如雷分明防得将军意不斩楼兰不拟迴

冬日大礼庆成

太一天坛降紫君属车龙鹤夜爲羣春浮玉藻寒初落露拂金茎曙欲分三代乐回风入律四溟歌驻水成文从官不动旌旗下日照南山万树云

奉送严大夫再领容府

日照双旌射火山笑迎賓从却南还风云暗发诙谐外感防潜生气槩间蕲竹水翻台榭湿刺桐花落管闲无因得鞞真珠履亲从新侯定八蛮

题子侄书院双松

自种双松费防钱顿令院落似秋天能藏此地新晴雨却惹空山旧晚烟枝压细风过枕上影笼残月到牕前莫教取次成闲夢使汝悠悠十八年

病马呈郑校书

騄駼何年别渥洼病来顏色半泥沙四蹄不凿金砧裂双眼慵开玉筋斜堕月兔毫干轂觫失云龙骨瘦查牙平原好放无人放嘶向秋风苜蓿花

落东兰若夜归

一衲老禪床吾生半异香【香字恐作乡字】管愁里老书劒夢中忙鸟急山初暝蝉稀树正凉又归何处去尘路月苍苍

哭防邊许兵马使

北风裂地黯邊霜战败桑干日色黄故国暗迴残士卒新坟空葬旧衣裳散牵细马嘶青草任去佳人吊白杨除却陰符与兵法更无一物在仪床

长安春舍叙邵陵旧怀永门萧使君

木鱼金钥鎖重城夜上红楼纵酒情竹箭水繁更漏促桐花风软管弦清百分散打银船溢十指寬催玉筋轻星斗渐稀賓客散碧云犹恋艷歌声

同前

三年身逐楚诸侯賓榻容居最上头饱听笙歌陪夜饮熟寻云水纵闲遊朱门鎖闭烟霞暮铃阁清冷水木秋月满前山圆不动更邀诗客上高楼

三年冬大礼

皇帝斋心洁素诚自朝真祖报升平华山秋草多归马沧海寒波絕洗兵银箭水残河势断玉炉烟尽日华生千官整肃三天夜劒佩初闻入太清

其二

海日西飞渡禁林太清宫殿月沉沉不闻北斗倾尧酒空觉南薰入舜琴
谿压钩天闲梦尽诏归秋水道情深雪风更起古杉叶时送步虚清磬音

其三

山拥飞云海水清天坛未夕仗先成千官不起金滕议万国空瞻玉藻声
禁火曙然香焰袅宫衣寒拂雪花轻侧闻左右皆周吕看取从容致太平

和周侍御买劒

将军溢价买呉钩要与中原静寇讐试挂窓前惊电转畧抛牀下怕泉流
青天露防云霓泣黒地潜惊鬼魅愁见说夜深星斗畔等闲期尅月支头

奉和春日幸望春宫应制

东城结宇瞰千寻北阙廻輿且四临丽日祥烟承防毕轻萸柔草借衣簪
秦商重踏云岩近河渭萦纡雾壑深谬接鹓鸿陪赏乐还欣鱼鸟逐飞沉

羽林贾中丞

四十年前百战身曾驱虎队扫邊尘风悲鼓角榆关暮日落旌旗陇草春
鐵马惯牵邀上客金鱼多解乞佳人胸中别有安邊计谁采髭须白似银

仙子送刘阮出洞

慇懃相送出天台仙境那能却再来云液既归须强饮玉书无事莫频开
花当洞口应长在水到人间定不回惆怅溪头从此别碧山明月照苍苔

刘阮再到天台不复见诸仙子

再到天台访玉真青苔白石已成尘笙歌寂寞闲深洞云鹤萧条絶旧邻
草树总非前度色烟霞不似往年春桃花流水依然在不见当时劝酒人

仙子洞中有懷刘阮

不将清瑟理霓裳尘夢那知鹤夢长洞里有天春寂寂人间无路月茫茫
玉沙瑶草连溪碧流水桃花满涧香晓露风灯易零落此生无处问刘郎

汉武帝候西王母下降

昆仑凝想最高峯王母来乘五色龙
听紫鸾犹缥缈语来青鸟许从容
风迴水落三清月漏苦霜传五夜钟
树影悠悠花悄悄若闻箫管是行踪

汉武帝于宫中燕西王母

鼇岫云低太一坛武皇斋洁不胜欢
长生碧宇期亲署延寿丹泉许细看
剑佩有声宫树静星河无影禁花寒
秋风裊裊月朗朗玉女清歌一夜防

汉武帝思李夫人

惆怅朱颜不复归晚秋黄叶满天飞
迎风细荇传香粉隔水残霞见画衣
白玉帐寒鸳梦绝紫阳宫远鴈书稀
夜深池上兰桡歇防续歌声彻太微

萼绿华将归九疑留别许真人

九防秋烟黛色空绿华归思颇无穷
每悲驭鹤身难住长恨临霞语未终
河影暗吹云梦月花声闲落洞庭风
蓝丝重勒金条脱留与人间许侍中

送刘尊师祇诏阙庭

海风叶叶驾霓旌天路悠悠接上清
锦诰凄凉遗去恨玉箫哀绝醉离情
五湖夜月幡幢湿双阙清风劒佩轻
莫道暂辞华表柱便应千载是归程

题武陵祠【三首】

此生终使此身闲不是秦时且要还
努力桃花与流水莫辞相送到人间

桃花夹岸杳何之花满春山水去迟
三宿武陵溪上月始知人世有秦时

溪口回舟日已昏却听鸡犬隔前村
慙慙重与秦人别莫使桃花闭洞门

小游仙

方士飞轩驻碧霞酒香风冷月初斜
不知谁唱春归曲落尽谿头白葛花

又

芝蕙开花烂熳春瑞香烟露湿衣巾玉童私地夸书信偷写虞謠暗赠人

又

偷来洞口等刘君缓步轻 綠绣裙旋擘桃花掷流水更无言语倚彤云

又

风动寒天青桂陰水精帘箔冷沉沉西妃少女春思乱斜倚彤云尽日吟

又

玉箫金瑟发商声桑叶干枯海水清淨扫蓬莱山上地畧邀王母话长生

又

紫龙停步彩云飞共看真皇海上归千载桃花香破鼻玉盘盛出与金妃

又

白石山中自有天竹花藤叶满溪烟朝来洞里围碁了赌得青龙值几钱

又

酒灩春浓瑶草齐真公饮散醉如泥玉轮轧轧入云去行到半天闻马嘶

又

南斗防 北斗稀茅君夜着紫霞衣独乘青鹿趁朝去鳳押笙歌随后飞

又

饥即飡霞闷即行一声长啸万山青穿花渡水能相访珍重多才阮步兵

又

东妃闲着紫霞裙自领笙歌出五云清思密谈谁第一不过邀取小茅君

又

朝廻相引看红泉不觉风吹鹤氅偏好见上清骑白鹄旋驱旌节旋升天

又

红草青林日半斜闲随小凤出彤霞略寻旧路过西国因得冰园一颗

又

风满涂山玉叶稀赤龙闲卧鹤闲飞紫梨烂尽无人吃何事苏君去不归

送羽人王锡归罗浮

风前整顿紫荷巾常向罗浮报养神石磴倚天行带月鐵桥通海入无尘龙蛇出洞闲邀雨犀象眠花不避人最爱葛洪寻药处露苗烟蘂满山春

刘晨阮肇游天台

树入天台石路新细云和雨动无尘烟霞不省生前事水木空疑夢后【亦作里】身徃徃鸡鸣岩下月时时犬吠洞中春不知何地归依处湏就桃源问主人

刘阮洞中遇仙子

天和树色霭苍苍霞重岚深路 茫云窦满山无鸟雀水声沿涧有笙簧碧沙洞里乾坤别红树枝边日月长愿得花间有人出免令仙犬吠刘郎

织女怀牵牛

北斗佳人双泪流眼穿肠防爲牵牛封题锦字凝新恨抛掷金梭结旧愁桂树三天云漠漠银河一带水悠悠欲将心就仙郎说借问榆花早晚秋

玉女杜兰香下嫁于张硕

天上人间两 茫不知谁识杜兰香来经玉树三山遠去隔银河一水长怨入清尘愁锦瑟酒倾 露醉瑶觞遗情更说何珍重擘破云鬟金鳳凰

张硕重寄杜兰香

碧落香销兰露秋星河无夢夜悠悠灵妃不降三清驾仙鹤空成万古愁皓月隔花追叹别飞烟笼树省淹留人间何事堪惆悵海色西风十二楼

穆王宴王母于九光流霞馆

桑叶扶疎闭日华穆王邀命宴流霞霓旌委地云初驻金奏掀天月欲斜歌咽细风吹粉蘂饮酣清露湿瑶砂不知白马红缰解偷吃东田碧玉花

紫河张休真

琪树扶疎压瑞烟玉皇朝客满花前山川到处成三月丝竹经时即万年树石冥茫初缩地杯盘狼籍未朝天东风小饮人皆醉从听黄龙枕水眠

萧史携弄玉上升

岂是丹台归路遥紫鸾烟驾不同飘一声洛水传幽咽万片宫花共寂寥红粉美人愁未散清华公子笑相邀缑山碧树青楼月肠断春风爲玉箫

黄初平将入金华山

莫道真游烟景賒潇湘有路入金华溪头鹤树春常在洞口人间日自斜一水暗廻闲绕涧五云长往不还家白羊成队难收拾吃尽山中巨胜花

王远宴麻姑蔡经宅

好风吹树杏花香花下真人道姓王大篆龙蛇随笔札小天星斗满衣裳闲抛南极归期晚笑指东溟饮兴长要唤麻姑同一醉使人沽酒下余杭

赠南岳冯处士

寂寥深木闭烟霞洞里相知有几家笑看潭鱼吹水沫醉噉溪鹿吃蕉花穿厨歷歷泉声细绕屋悠悠树影斜夜静着灰封釜灶自添文武养丹砂

送刘尊师祇诏阙庭

五峯此别隔人间双阙何年许再还既扫山川收地脉须留日月驻天颜霞觞共饮身虽在风驭难陪路未闲从此枕中唯有梦梦魂何处访三山

其二

仙老闲眠碧草堂帝书徵入白云乡龟防欲署长生籍鸾殿邀论不死方红露想倾延命酒素烟思爇降真香五千言外无文字更有何词赠武皇

奉送严大夫再领容府

海风卷树冻岚消忧国宁辞岭外遥自顾勤劳甘百战不将功业负三朝
剑澄黑水曾芟虎箭劈黄云惯射雕代北天南尽成事肯将心许霍嫖姚

长安客舍怀邵陵宴寄永州萧使君

邵陵台榭碧葱茏河汉西流宴未终残露五更掀海月清笳三防揭天风
香薰舞席云鬟绿光射骰盘蜡烛红今日却思行乐处两牀丝竹水楼中

又

不知何路学飞翻虚受贤侯郑重恩午夜清歌敲玉筩三年洪饮竭金罍
招携每感双鱼远报答空思一剑存狼籍梨花满城月当时长醉信陵门

病马

垆上沙葱叶正齐腾黄犹自局羸蹄尾蟠夜雨红丝脆头掙秋风白练低
力惫未思金络脑影寒空望锦障泥堦前莫怪双垂泪不遇孙阳不肯嘶

其二

不剪焦毛鬣半翻何人别是古龙孙风吹病骨无骄气土蚀葱花见卧痕
未喷断云归汉苑曾追轻练过呉门一朝千里心犹在争肯潜忘防饲恩

其三

空被秋风吹病毛无因濯浪刷洪涛卧来总恠龙蹄踞瘦尽虽惊虎口高
追电有心犹欸段逢人相骨强嘶号欲将鬃鬣重裁剪乞借新城利铰刀

其四

病从无人着意看五花毛色欲凋残饮惊白露泉花冷吃怕清风豆叶寒
长檐敢辞红锦重旧缁宁畏紫丝蟠王良若许相防千里追风也不难

勗剑

古物神光雪见羞未能擎出恐泉流暗临黑水蛟螭泣潜倚空山鬼魅愁
生怕雷霆号涧底长闻风在床头垂情不用将闲气恼乱司空犯斗牛

题武陵洞

却恐重来路不通殷勤廻首谢春风
白鸡黄犬不将去且寄桃花深洞中